

հրովարտական և 'ի պատճառս երկու իրացս այսոցիկ խափանեալ են շինուածքն :

Արդ՝ խնդրեմք զի քակեսցին բովանդակ շինութիւնք Հայոց , և տեղին դարձցի 'ի վիճակն առաջին , որպէս էր նախ քան զթուականն ՎԿԾԿ :

Ընթերցան 2 հրովարտակքն եւ 5 Հէօճճէթքն Հայոց սակա շինութեան Զիթենեաց լերին , և մուծան յարձանագիրն :

Հափըզ Բաշիտ էֆէնտի . Շինութիւնք Զիթենեաց լերին հիմնեալ են 'ի վերայ երկուց հրովարտական . մին մշտնջենաւոր և միւսն 'ի հաստատութիւն նորին . և երկոքեանն պարունակեն զխնդիր նորոգութեան , ըստ խնդրանաց Հայոց . նորոգել 'ի վերայ բնական դրից , եւ մի ոք արգելուլ զպատարագս և վկանթեղս նոցա . ոտքս են իմաստք հրովարտական , և 5 հատոր Հէօճճէթք տուեալ 'ի Դատաւորաց , առաջին՝ հիմնեալ 'ի վերայ առաջին հրովարտակին , յորում հրաման տայ Հայոց շինել սեղան 'ի ներքոյ դրմբեթին և դնել զսպաս նորին , և ունիլ զբանալի տեղւոյն : 2 . և 3 . Հէօճճէթքն հրաման տան սալել զյատակս գաւթին , ծեփել զորմս , շինել ջրամբար 'ի կողմն հիւսիսոյ , և նորոգել զհարաւայինն , շինել զարտաքին դուռն , և ձգել անտի ձեղուն տախտակամած մինչ 'ի դուռն գմբեթին , շինել սենեակ լուսարարի : 4 . Շինեալ են սենեակքս 'ի վերայ ձիթահանին , զորոյ զտեղին գնեալ են 'ի գիւղականաց , հրամանաւ Դատաւորին՝ մի 'ի ներքոյ 2 գրամբք և 2 մեծ և փոքր սենեակ 'ի վերայ նորա , և յետ աւարտելոյ զշինութիւնն տուեալ է հինգերորդ Հէօճճէթն Համտուլահ Դատաւորն , և բացայայտ գրեալ է թէ , ոչ է մնառակար ումք : Սակայն Յոյնք բողոքեն թէ շինութիւնքն ոչ են ըստ մտաց հրովարտական և Հէօճճէթից , այլ նորառահման և ինքնահնար , ուստի հարկ է բացայայտ որոշել , թէ ո՞ր 'ի նոցանէ համեմատ հրովարտակին է եւ ո՞ք ոմանք հրամանաւ Դատաւորին . զի երկոքին կողմն միաբանին 'ի վերայ եղծման միոյ հրովարտակին և 'ի վերայ միոյն հակառակին , քննեցան իմաստք հրովարտական . եթէ արդարեւ ըստ բողոքելոյ Յունաց ջնջեալ գոլով վերջինն , հարկ լինի՞ առաջնոյն եւս ջնջին , թէ ըստ ծանուցանելոյ